

Imaqarniliaq, Innarluutillit Siunnersuisooqatigiivisa inissitsiterluni ataatsimiinnerat, 6.-7. juuni 2013.

Sumiiffik: Kommunalbestyrelsip ataatsimiittarfia, Kommuneqarfip allaffia, Kommuneqarfik Sermersooq.

Peqataasut:

Ilaasortat: Karin Pedersen Thorsen, Nuuk; Helene Josefsen, Nuuk; Eli Abelsen, Tasiilaq; Jørgen Jeremiassen, Paamiut; Miuk Miunge; Ittoqqortoormiut.

Ingerlatsivimmuit: Margrethe Vogt Thuesen, Isumaginninnermut Suliffeqarnermut
Inuussutissarsiornermullu Ingerlatsivimmi pisortaagallartoq aammalu Inersimasunut Isumassuiffimmi
fagchefiugallartoq, taamaattumillu Innarluutillit Siunnersuisooqatigiivinut allatsi; Arnajaraq Joelsen Eldevig,
Isumaginninnermut Suliffeqarnermut Inuussutissarsiornermullu Ingerlatsivimmi siunnersorti aammalu
Innarluutillit Siunnersuisooqatigiivisa siullermeerlutik ataatsimiinnissaanut aqutsisuulluni (facilitator), Jacob
Bock, Isumaginninnermut Suliffeqarnermut Inuussutissarsiornermullu Ingerlatsivimmi siunnersorti,
imaqarniliortoq.

Peqataasut tamarmik mappimik innarluutillit pillugit inatsimmik, Kommuneqarfik Sermersuup innarluutillit
pillugit politikkianik, Innarluutillit Siunnersuisooqatigiivisa lleqqoreqqaannik, suleriaasissatut
siunnersummik, oqaluuserisassatut siunnersummik, slidesinik, programmimillu imalimmik tunineqarput.

Ulloq siulleq 6. juuni.

Ingerlatsivimmuit tikilluaqqusineq: Margrethe Vogt Thuesenip Innarluutillit Siunnersuisooqatigiivisa
tunuliaqutaat pillugu kiisalu innarluutillit pillugit kisitsisit paassisutissallu saqqummiuppai.

Ilaasortat imminnut ilisaritillutillu sooq Innarluutillit Siunnersuisooqatigiivinnut ilaasortanngorniarlutik
nalunaarsimanerlutik nassuaatigaat.

Ulloq lleqqoreqqaannik, siulittaasup siulittaasullu tulliata suliassaanik, suleriaasissatut siunnersuutip kiisalu
suleriaasissatut siunnersuutip misissorneqarneranut atorneqarpoq. Nalunaaqtaq 14.30 tikillugu
siunnersuisooqatigiit namminneq lleqqoreqqaannik, suleriaasissanik kiisalu oqaluuserisassat ilisserutaanik
oqalliseqatigiinnermut atorumavaat. Ilaasortat siulersuisumik taasipput, tassanilu Karin Pedersen Thorsen
Nuummeersoq qinerneqarpoq kiisalu Eli Abelsen Tasiilameersoq siulittaasup tulliatut qinerneqarluni.

Ullup naalernerani Naja Rosing IPIS pillugu suullu suliarisarnerai saqqummiivoq. Namminersorlutik
Oqartussaniit kommunimut sullissinerup nuunneqarneranut ajornartorsiutit ilagigaat, Isumaginninnermi
Naammagittaalliteqarfimmut naammagittaallitut ikilinerat IPIS-ip nassuaatigaa, tassa naammagittaalliuut
kommunimut tunngassuteqarmat sullissisut innarluutillit naammagittaalliornerannut
ikiortarunnaarsimagamikkit. Tassunga atatillugu siunnersuisooqatigiit pillugit IPIS-ip nittartagaani
nassuaasoqassasoq kiisalu IPIS-imiit siunnersuisooqatigiit nutaarsiassanik nassinneqartalissasut
isumaqatigiissutigineqarpoq.

Ullup aappassaa, 7. juuni.

Ileqqoreqqusat pillugit ilaasortat iluminni oqallinnertik nangippaat kiisalu ileqqoreqqusani suliassat qanoq piviusunngortissanerlugin oqaluuseralugu. Oqaluuserinninnerup kingorna siunnersuisooqatigiit suliassat qanoq suliarissanerlugin kiisalu ingerlatsivimmut apeqquteqaatissatik saqqummiuppaat. Suleriaasissatut siunnersuut taamatut isikkoqartillugu akuerineqarpoq (ilanngussaq 1). Oqaluuserisassanut ilisserut taamatut isikkoqartillugu akuerineqarpoq. Ileqqoreqqusat misissuataarneqarnerat imaqarniliap naggataatungaani suliarineqassaaq. Suleriusissatut siunnersuutit saqqummiunneqareermata Inersimasunut lsumassuiffimminkangaanniit innarluutillit pillugit inatsit saqqummiunneqarpoq. Ataatsimiinneq naggaserlugu siunnersuisooqatigiit innarluutilittut inuunerissaarneq pillugu workshop-erput, ima quleqatalinnik: sunniuteqaqataaneq (una) (una) (una), tassani innarluutillit meeqqat atuarfianiit naammassereeraangata periarfissaat amerlanerussasut oqaatigineqarpoq.

Tamalaat:

- Siunnersuisooqatigiit pillugit ilisarnaasiortoqassasoq siunnersuisooqatigiit siunnersuutigaat.

Siunnersuisooqatigiinniit ingerlatsivimmut apeqquteqaatit:

Oqalliseqatigiinnermi immikkoortut ilaat tulliani ataatsimiinnissamut atatillugu siunnersuisooqatigiinniit akeqquneqarput:

1. Siunnersuisooqatigiit peqatigiiffiit, atuisut, siulersuisut il.il. allattorsimaffiinik perusupput.
2. Siunnersuisooqatigiit innuttaasunut ataatsimiisitsinermi, peqatigiiffiit ataatsimeeqatigneranni ininut, atortorissaarutinut, kaffi tiinut il.il. aningaasartuutinut kommuni akiliisassasoq kissaatigaat.
3. Siunnersuisooqatigiit Pilutami, Ippiarsummi allanilu innarluutillit ornittagaanni naapeqatigiinnermi ajunngitsorsiaqarnissartik kissaatigaat. Tassa innarluutillinnit amerlasuunit orninneqartartut ulluunerani ammasaramik, tamannalu tunngavigalugu siunnersuisooqatigiit ajunngitsorsiassaqartoqarsinnaanersut paasiumavaat.
4. Siunnersuisooqatigiit illoqarfinni allani ilaatigut naapeqatigiittarnissaq kissaatigaat. Tassa sumiiffinni allani innarluutillinnut pissutsit paasisaqarfiginerorusullugit. Siunnersuisooqatigiit ukiumut ataasiarlutik naapitarneq illoqarfinni allani, Nuummiunngitsoq, ingerlanneqartarnissa siunnersuutigaat.
5. Siunnersuisooqatigiit innuttaasup pisinnaatitaaffii pisussaaffiilu pillugit quppersagaarliortoqarnissaa siunnersuutigaat.

Ileqqoreqqusat misissorneqarneri.

§ 2, Siunertaq.

Imm. 1:

"Kommunip innarluutilinnut politikiminik ilusilersuineranut piareersaasiornoranullu atatillugu kommunalbestyrelsismut siunnersuisartutut atuunnissaq."

Atuutilersitsineq:

Tusarniaanermut atortorissaarutit.

- Ingerlatsiviup politikkinik imaluunniit siunnerfinnik aalajangiisoqartinnagu Innarluutillit Siunnersuisooqatigiivi tusarniaavagineqartarnissai qulakkiissavaa.
- Siunnersuisooqatigiit tusarniaaffigineqarnermut tunngatillugu pappilissanik attuumassutilinnik nassinneqarumaarput. Tamanna pisinnaavoq pilersaarusiortoqartillugu imaluunniit politikkinik ilusilersuisoqartillugu.
- Atortussat ilaasortanut sinniisunnullu nassiunneqartassapput.
- Nassiuussassat ilaasortanut maililinnut nassiunneqartassapput, maileqanngitsut allakkatigut nassinneqartassapput. Tuaviortumik nassitsinikkut kommunip allakkat inuttaanut ingerlattassavai.
- Siunnersuisooqatigiinnut atortussat sioqqutsilluni nassiunneqartassapput, tassa ilaasortat atuarnissaminnut piffissaqarluartarniassammata.

Ataatsimiinneq oqaaseqaatillu.

- Siulersuisoq, siunnersuisooqatigiillu allatsia peqatigalugu (Inersimasunut Isumassuiffiup fagchefia imaluunniit tullersortaa), ataatsimiinnissamut aggersaasassaaq.
- Ataatsimiinnermi Siunnersuisooqatigiit politikki siunnerfigisarluunniit oqaluuserisassavaat.
- Siunnersuisooqatigiit oqaaseqaatissamik isumaqatigiissuteqartassapput.
- Allatsip tusarniaassummut akissusiortassaaq kiisalu akissut ataatsimiititamut/ingerlatsivimmut attuumassuteqartumut apuunnissaa qulakteertassallugu.

Imm. 2:

"Kommunip innuttaanut innarluutilinnut tunngasunik oqallinnermi peqataanissaq"

Atuutilersitsineq:

Suliassaq qanoq suliarissanerlugu Siunnersuisooqatigiit siunnersuuteqarput:

- Oqallittoqarpiarneq ajorpoq, taamaattumik Siunnersuisooqatigiit illoqarfimminni Siunnersuisooqatigiit atuuffiat pillugu innuttaasunut aallaqqaasiutitut paasitsiniaaniarput.
- Suliassat pillugit innuttaasunut ataatsimiisitsinissaq Siunnersuisooqatigiit siunertaraat.

- Ilaatigut qulequttat aalajangersimasut pillugit innuttaasunut ataatsimiinnissamut aggersaasassapput, assersuutigalugu issiavinnik kaassuartartunik atuisunut innuttaasunut ataatsimiinnissamut aggersaasassapput.
- Siunnersuisooqatigiit innarluuteqarneq pillugu oqallinnissamut namminneq qulequtassanik ujartuisassapput.

Innultaasut ataatsimiisinneqarnerannut atatillugu Siunnersuisooqatigiit paaserusuppaat:

- Illoqarfimminni kina kommuniminngaanniit attaveqaatitut suleqatigisinnaavaat?
- Siunnersuisooqatigiit siunnersuisooqatigiiniit allanit, soorlu Qaasuitsup Kommunianiit misilittakkanik tusagaqarusupput.
- Innultaasunut ataatsimiisitsisoqassatillugu kommunip tamanut nalunaaruteqarneq isumagissavaa.
- Siunnersuisooqatigiit kommunip nittartagaani inissaqartinneqassapput, tassanilu siunnersuisooqatigiit pillugit paasissutissat tamarmik, siunertaat, attaveqaatit kiisalu ataatsimiinnissamut aggersaanerit il.il. allassimasassapput.
- Siunnersuisooqatigiit suliaminnit assigiaarisussamik ataqtigiiissaarisumik pisariaqartitsippuit.

Imm. 3:

"Kommunimi inuttaasut innarluutillit kommunalbestyrelsillu akornanni attaveqaatitut atuunnissaq"

A tuutilersitsineq:

Suliassaq qanoq sularissanerlugu Siunnersuisooqatigiit siunnersuuteqarput:

- Siunnersuisooqatigiit toqqaannartumik attavagineqartarnissartik kissaatigaat, tamanna nittartakkatigut attaveqarnissamut paasissutissat allannerisigut pisinnaavoq.
- Aviisini annonceliinikkut, Sermersuup annonceliinermut atatillugu periusissaa naapertorlugu.
- IPIS-ip nittartagaaniilerluni.

Imm. 4:

"Innuttanut innarluutilinnut tunngatillugu kommunimi paasissutissanik siuarsaanissaq"

A tuutilersitsineq:

Suliassaq qanoq sularissanerlugu Siunnersuisooqatigiit siunnersuuteqarput:

- Kommuni innarluutillit pisinnaatitaaffii pisussaatitaaffiilu pillugit paasisitsiniaassaaq.
- Innuttaasoq kommunimut saaffiginnikaangat kommuni innarluutillip pisinnaatitaaffii pisussaatitaaffiilu pillugit pitsaanerusumik paasissutissiisassaaq.

Innultaasut ataatsimiisinneqarnerannut atatillugu Siunnersuisooqatigiit paaserusuppaat:

- Ataatsimiitiat angalanissaat pillugu ilisimatinneqartarnissartik, taamaalillutik illoqarfimminni naapinnissaannut sulissuteqarsinnaaniassammata.

Apeqquteqaat:

- Innuttaasunut ataatsimiisitsisoqartillugu ass. sullissumik, sulianut tunngasunik apeqqutinik akisinnaasumik, ilaasoqartarsinnaanersoq Siunnersuisooqatigiit paaserusuppaat.

Imm. 5:

"Kommunimi peqatigiiffinnik, atuisut siunnersusoqatigiivnik eqimattakkuutaanillu kommunimi innuttaasut innarluutillit atugaannik pitsanngorsaaniarlutik sulisunut suleqataanissaq"

Atuutilersitsineq:

Suliassaq qanoq suliarissanerlugu Siunnersuisooqatigiit siunnersuuteqarput:

- Peqatigiiffiit, atuisunut siunnersuisooqatigiit suleqatigiikkutaallu pioreersut allakkatigut Siunnersuisooqatigiit attaviginiarpaaat.

Innuttaasut ataatsimiisinneqarnerannut atatillugu Siunnersuisooqatigiit paaserusuppaat:

- Kommunimi peqatigiiffiit, atuisunut siunnersuisooqatigiit suleqatigiikkutaallu allattorsimaffi.

Imm. 6:

"Sulinikkut kommunip innuttaanut innarluutilinnut inuaqatigiinni nammineerluni aalajangiisinnaanermik, sunniuteqarsinnaanermik, peqataasinnaanermik akuusinnaanermillu siuarsaanermik kiisalu sapinngisamik nalinginnaasumik inuusinnaanerinik sullissinermik ingerlataqarnissaq."

Atuutilersitsineq:

Suliassaq qanoq suliarissanerlugu Siunnersuisooqatigiit siunnersuuteqarput:

- Siunnersuisooqatigiit "Inklusion International" misissuataarusuppaat.
- Siunnersuisooqatigiit immikkoortoq una pillugu kingusinnerusukkut oqaluuserinninnerunissartik pisariaqartippaat.

§ 3, Atuuffiit suliassallu.

Imm. 1

"Innarluutillit pillugit siunnersuisooqatigiit kommunimi innuttanut innarluutilinnut sammisunik suliuniutinik kommunalbestyrelsimi aalajangiisoqalersinnagu tusarniaanermut akissuteqaateqartassaaq."

- Immikkoortoq §2 imm. 1 takuuk.

Imm. 2:

"Innarluutillit pillugit siunnersuisooqatigiit tusarniaanermut akissuttaat suliniutinut kommunimi innarluutillit inuuniarnermikkut atugaannut tunngasunut attuumasinnaapput, tassa apeqqutit kommunimi immikkoortortat asigiinngitsut akimorlugit attuumassuteqartut aamma ilanngullugit."

Atuutilersitsineq:

- Isumaginninnermut Suliffeqarnermut Inuussutissarsiornermullu Ingerlatsivik Innarluutillit Siunnersuisooqatigiivi tusarniaavigineqarnissaat pillugu nalunaarusiussaaq/kaajallaasitaliussaaq. Ingerlatsiviup nammineq aalajangissavaa qaqgu tusarniaasoqarnissaanut pisariaqarnersoq.

Imm. 3:

“Innarluutillit pillugit siunnersuisooqatigiit nammineerlutik kissaateqarnertik naapertorlugu kommunalbestyrelsip innarluutilinnut tunngasuni suliniutaannut aalajangiinerannullu pingaarutilimmik oqaaseqaateqarlutillu siunnersuuteqarsinnaapput.”

Atuutilersitsineq:

Suliassaq qanoq suliarissanerlugu Siunnersuisooqatigiit siunnersuuteqarput:

- Piareersarfii: Siunnersuisooqatigiit Piareersarfimmut innarluutillit ilanngunneqarnissaat pillugu siunnersuuteqarnissamut kissaateqarput.

Imm. 4:

“Innarluutillit pillugit siunnersuisooqatigiit kommunimi innuttaasut innarluutillit atugarisaannik iisimatittuarneqartassapput, tassunga ilanngullugit kissaatit pisariaqartitallu.”

Atuutilersitsineq:

- Takuuk §2, imm. 2

Imm. 5:

“Kommunimi innuttaasut innarluutillit kommunip suliniutaanik taakkununnga pingaaruteqartunik ataavartumik ilisimatinneqartarnissaat Innarluutillit pillugit siunnersuisooqatigiit peqataaffigissavaat.”

Atuutilersitsineq:

- Takuuk §2, imm. 2

Imm. 6:

“Innarluutillit pillugit siunnersuisooqatigiit inunnut ataasiakkaannut tunngasunik apeqqutinik suliarinnissinnaanngillat, tassunga ilanngullugit qinnuteqaatinut tunngasut, sulisoqarnermut tunngasut imaluunniit naammagittaalliuutit aalajangersimasut.”

Atuutilersitsineq:

- Una immikkoortoq pillugu Siunnersuisooqatigiit siullermeerlutik ataatsimiinneranni ilisimatitsisoqarpoq.

§4, Siunnersuisooqatigiit katitigaanerat atugassaritallu

Imm. 1:

“Kommunalbestyrelse kommunimi innarluutillit peqatigiiffiisa immikkoortuinit nammneq piumassutsimik qinigassanngortittunik allattorsimaffik innersuussutitut allattukkat, qinigassanngortitut ataasiakkaat pifimmuit attuumassutaannik oqaasertalik aallaavigalugit, Innarluutillit pillugit siunnersuisoqatigiinni ilaasortanik tallimanik sinniisussanillu tallimanik toqqaasassaaq.”

Atuutilersitsineq:

- Tamanut nalunaaruteqareernikkut, ilaatigut kommunip nittartagaatigut aammalu KNR aqqutigalugu, ilaasortat toqqarneqarput, taamaalilluni kommunimi kikkulluunniit, peqatigiiffinni ilaasortaappata ilaasortaangippataluunniit, Siunnersuisooqatigiinnut ilanngunnissaminut periarfissinneqarput.

Imm. 2:

“Innarluutillit pillugit siunnersuisoqatigiit inuttalersorneqarnerat sapinngisamik ilaasortat innutanit assigiinngitsunik innarluutilinnit sinniissuuffeqarnissaat anguniarlugu katiterneqartassapput, tassunga ilanngullugit inersimasut meeqqallu innarluutillit, aammalu kommunimi suliffeqarfinnit assigiingitsuneersillugit.”

Atuutilersitsineq:

Innarluutillit pillugit siunnersuisooqatigiinni innarluutillit inersimasut, angajoqqaat innarluutilinnik meerallit, siusinaartumik pensionisiallit aammalu innarluutilinnut tunngasuni piumassutsiminnik suleqataasunik ilaasortaqarpoq.

Imm. 3:

“Ilaasortatut qinigaasinnaanermut inuup inersimasuunera kommunimilu najugaqartuunera aallaaviusassaq.”

Imm. 4:

“Ilaasortat tallimat sinniisullu tallimat qinerneqartussat, kommunimi inuit allattorsimaffiat naapertorlugu ima agguatarsimasut toqqarneqartassapput:

Nuuk: *ilaasortat 2*

Paamiut: *ilaasortaq 1*

Tasiilaq: *ilaasortaq 1*

Ittoqqortoormiit: *ilaasortaq 1*

Atuutilersitsineq:

- Tamarmik eqquutsinneqarput, taamaattorli Paamiuni Tasiilami aammalu Ittoqqortoormiini sinniisunik amigaateqartoqarpoq.

Imm. 5- 7: Sinnissussat pillugit aammalu ilaasortat sinniisussaalluunniit ilaasortaajunnaarnissaat pillugu.

- Tamanna pillugu ilaasortat ilisimatinneqareerput.

Imm. 8:

“Ilaasortaaneq nammineq piumasseq aallaavigalugu pisarpoq, akissarsiaqaataanani lu”

Atuutilersitsineq:

- Tamanna pillugu Siunnersuisooqatigiit ilisimatinneqareerput. Ataatsimiinnissaq siulleq Nuummi ingerlanneqarnissaa politikeriniit kissaataasimavoq, siunissami ataatsimiinnerit oqarasuaat videokonference-luunniit aqqutigalugit ingerlanneqartassapput.

Imm. 9:

“Innarluutillit pillugit siunnersuisoqatigiit atuuffiata kommunabestyrelsip piffissaq qinigaaffia malippaa.”

Atuutilersitsineq:

- Tamanna pillugu Siunnersuisooqatigiit ilisimatinneqareerput. Siunnersuisooqatigiinnik qinersineq tulliani 2017-imí pissaaq.

§ 5, suleriaasissaq.

Atuutilersitsineq:

- Suleriaasissatut siunnersuut taamatut isikkoqartillugu Siunnersuisooqatigiinnit akuerineqarpoq.
- Karin Pedersen Thorsen, Inooqammi ilaasortaq, Nuuk, siulittaasuuvvoq.
- Eli Abelsen, Tasiilaq, siulittaasup tulleraa.
- Ataatsimiinnissap tullia septembarimi 2013, pissaaq, tassungalu siulersuisoq, allatsi suleqatigalugu, ataatsimiinnissamut aggersaassaaq.

§ 6. Suleqatigiinneq oqaloqatigiinnerlu.

Imm. 1-4.

Atuutilersitsineq:

- Ataatsimiinnerit ilisimatitsissutilu kommunimiit isumagineqartassapput.

§7 Nipangiussisussaatitaaneq pillugu.

- Tamanna pillugu Siunnersuisooqatigiit ilisimatinneqareerput.

§8 Atuutilersitsineq maleruagassanillu allannguineq.

- Ilaasortat ilisimatinneqareerput.